

Mens mea incongrua iterum reputat summam quae est in Krishna, virtutis, Cant. 5. iram ob perturbationem animi dissuadet, probationem induit, delicta dimittit, amoremque fovet erga Krishnam, licet cupide aliis puellis inhiet et me relicta lasciviat. Quid faciam?

Mecum, amoris desiderio potita atque elata, absconditum umbraculum ingressa, fac, o amica, ut gaudia carpat variegata Kêçinis interfector generosus, noctu clam recumbens, ^{Krishna} mecum, quae regiones circa timide contempler, is qui multa voluptatis suavitate arrideat. Cant. 6. 11.

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae pudibunda quasi primum cum eo congredierer, mellifluo risu appeller, is qui centenis dulcibus blanditiis propitiet, qui indusium feminibus subducatur. 12. *sarikhara = do 25, = do 27*

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae nymphaearum torum colam amplexibus et basiis dedita, is, qui longe sinui meo infusus remanserit, qui amplectatur et labiorum potionem hauriat. 13.

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae languide conniveam et lassitudinis guttis membra lavem, is qui, tempora erectorum capillorum corona cinctus, eximia delicia ebrius exsultet. 14.

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae dulcem cuculorum cantum susurrando imiter, laxos per disiectos cincinnos flores gestans, is qui decreta codicis Amoris superet et per latum pectus unguiculorum signa praebeat. 15.

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae gemmeos compedium torques tinnulos agitem, cinguloque sonoro laxato evoluta sim, is, qui omnem voluptatis ambitum emensus sit, qui basia det, dum cincinnos arripiat. 16. *fa*

Mecum amoris desiderio potita atque elata, fac, o amica, ut gaudia carpat variegata generosus Kêçinis interfector, mecum, quae voluptatis delicias hauriam et, hauriendo lassa, deiectam corporis viticem sustentandi impotens sim, is qui oculorum nymphaeis gemmas quasi trudet, et amore exuberet. 17. *nidhuvana coitus*

Dispertiat felicitatem vobis studium Madhusûdanae plurimum in voluptate positum, verbis filiae pastoris desiderio oblanguentis illecebre ^{sextum} descriptum, a pio Jayadêva concinnatum. Mecum amoris desiderio potita atque elata, fac, o amica, ut gaudia carpat variegata generosus Kêçinis interfector. 18.